

Á vista do escrito do responsable do Grupo de Investigación GI-1616, D. Alberto Arce Arce, polo que manifesta a súa disposición a recibir alumnos en prácticas das titulacións de Enxeñaría Química da Escola Técnica Superior de Enxeñaría da Universidade de Santiago de Compostela REITORÍA

-Considerando que na ETSE impártense as titulacións de *Enxeñaría Química e Grao en Enxeñaría Química* recóllese a posibilidade de que os alumnos realicen prácticas en empresas, institucións públicas ou privadas (ata 15 créditos de libre configuración; 1 crédito por cada 30 horas para alumnos da titulación de *Enxeñaría Química*. Así mesmo, no plan de estudos do *Grao en Enxeñaría Química* figura a materia Aula Profesional. Itinerario Prácticas en empresas (de 6 ECTS; cun traballo do alumno de 25 h por cada ECTS). Con estas prácticas preténdese que os estudantes desenvolvan os coñecementos e habilidades adquiridos ao longo dos estudos.

-Considerando que o Grupo de Investigación GI-1616 arriba citado está integrado na Universidade de Santiago de Compostela.

-Considerando que é vontade da Universidade potenciar a realización de actividades de formación, especialización e prácticas en no ámbito dos estudos das titulacións de Enxeñaría Química coa finalidade de contribuír a unha mellor e máis completa formación e cualificación do estudiantado.

RESOLVE

1. Autorizar a realización de prácticas do alumnado das titulacións de Enxeñaría Química da ETSE nas instalacións do GI-1616.
2. Establecer que o réxime das practicas será o seguinte:
 - Durante o período non lectivo, as prácticas que realicen os alumnos constarán de 30 horas semanais. Durante o período lectivo a dedicación máxima será de 15 horas, salvo casos excepcionais. Computarase un crédito por cada trinta horas de prácticas para a titulación de Enxeñaría Química, e 1 crédito ECTS por cada 25 horas de prácticas para os alumnos do Grao en Enxeñaría Química, sen poder superar o límite de 450 e 150 horas, respectivamente, que establecen os planos de estudio para estes efectos. Estes créditos recoñeceranse como, de libre configuración curricular ou obrigatorios segundo o establezan os planos de estudio.
 - Estas prácticas realizaranse no período que determine a Comisión Académica destas titulacións de acordo coa Dirección do Grupo de Investigación GI-1616, e concretaranse nas convocatorias que faga a USC.
 - Ningún alumno terá a posibilidade de prorrogar ou repetir as prácticas realizadas ao abeiro deste convenio.
 - Estas prácticas non comportarán compensación económica. O feito de que o alumnado realice prácticas no Grupo de Investigación GI-1616 non suporá ningún tipo de relación laboral coa Universidade nin determinará a existencia de ningunha responsabilidade pola súa parte.
 - Os alumnos que van realizar as prácticas serán seleccionados consonte unha convocatoria que respectará os principios de publicidade, igualdade, obxectividade e mérito.

- A Comisión Académica das titulacións de Enxeñaría Química nomeará a un titor, que realizará o seguimento das prácticas dos alumnos. Así mesmo, o Grupo de Investigación GI-1616 nomeará a un titor deste centro que supervisará as prácticas realizadas polo alumno.
- Ao remate de cada período de prácticas cada un dos alumnos deberá realizar unha memoria final sobre o traballo realizado.
- A avaliación das prácticas realizaraa a USC a través do titor/-ra, á vista da devandita memoria e do informe do titor/-ra de prácticas do Grupo de Investigación GI-1616..
- As prácticas soamente poderán ser avaliadas favorablemente se a ausencia non excede do 15% das horas programadas, ou o que determine a guía docente do programa de estudos.
Se a avaliación da memoria é positiva e o informe da actuación do alumno/a favorable, o responsable do Grupo de Investigación GI-1616 emitirá por cada un dos estudantes que participaran con regularidade nas prácticas unha certificación na que debe constar o tempo de colaboración e as actividades, traballos de investigación ou avaliación, etc. realizados.
A certificación deberá especificar que, para os efectos académicos, queda supeditada á avaliación que realice a USC das prácticas.
- Aqueles alumnos que teñan menos de vinte e oito anos seguen baixo a protección do seguro escolar. Non obstante, no caso de prácticas nas que conorra un risco excepcional, deberá contratarse un seguro de responsabilidade civil ou de accidentes

Santiago de Compostela, 1 de xuño de 2012

O REITOR



Juan José Casares Long

SR. DIRECTOR DA ESCOLA TÉCNICA SUPERIOR DE ENXEÑARÍA
SR. XEFE DO SERVIZO DE XESTIÓN ACADÉMICA
SRA. DIRECTORA DA OFICINA DE INFORMACIÓN UNIVERSITARIA
SR. D. ALBERTO ARCE ARCE